

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), a u vezi sa članovima 37. stav (7)., 45. stav (1) i 54. Zakona o izvršavanju Budžeta Zeničko-dobojskog kantona za 2016. godinu („Službene novine Zeničko-dobojskog kantona“, broj: 2/16), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 49. sjednici, održanoj 29.03.2016. godine, d o n o s i

ZAKLJUČAK

o usvajanju Programa utroška namjenskih sredstava iz oblasti šumarstva za 2016. godinu u razdjelu 23, budžetska organizacija 03, potrošačka jedinica 0001 Budžeta Zeničko-dobojskog kantona za 2016. godinu

I.

Usvaja se Program utroška namjenskih sredstava iz oblasti šumarstva za 2016. godinu u razdjelu 23, budžetska organizacija 03, potrošačka jedinica 0001 Budžeta Zeničko-dobojskog kantona za 2016. godinu („Službene novine Zeničko-dobojskog kantona“, broj: 2/16) u iznosu od 1.205.837,00 KM (slovima: miliondvijestotinepetiljadaosamstotridesetsedam konvertibilnih maraka) predviđena za tekuće rashode čuvarske službe, nabavku opreme, transfere općinama, pošumljavanje i druga ulaganja za unapređenje šuma i čini sastavni dio ovog zaključka.

II.

Sredstva planirana Budžetom Kantona za namjene predviđene ovim Zaključkom, realizovat će se isključivo u skladu sa realizacijom ostvarenih javnih prihoda u Budžetu Kantona, planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, te u skladu sa utvrđenim ukupnim nivoima do kojih se za pojedini mjesec od strane Vlade Kantona odobre mjesečni operativni budžeti svim budžetskim korisnicima, osim u slučajevima odobrenim posebnim aktom Vlade.

III.

Za realizaciju ovog zaključka zadužuju se Ministarstvo za poljoprivredu, šumarstvo i vodoprivredu-Kantonalna uprava za šumarstvo i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____/16.

Datum, 29.03.2016. godine

Z e n i c a

**PREMIJER
PO OVLAŠTENJU**

Himzo Smajić

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Kantonalna uprava za šumarstvo (putem Ministarstva),

1x Ministarstvo finansija,

1x a/a.

P R O G R A M
utroška namjenskih sredstava iz oblasti šumarstva za 2016.godinu

UVOD

Osnov za izradu Programa utroška namjenskih sredstava iz oblasti šumarstva za 2016.godinu čine Zakon o šumama («Službene novine Zeničko-dobojskog kantona» broj 8/13) i Budžet Zeničko-dobojskog kantona usvojen za 2016.godinu.

SVRHA PROGRAMA

Svrha izrade Programa je da prikaže, po osnovu kojih namjenskih sredstava su planirani prihodi u Budžetu Zeničko-dobojskog kantona za 2016.godinu, kao i za koje namjene i u kojem iznosu će planirana sredstva biti utrošena.

VISINA SREDSTAVA I IZVORI FINANSIRANJA

Namjenski prihodi iz oblasti šumarstva, u Budžetu Zeničko-dobojskog kantona za 2016.godinu, planirani su u iznosu od **1.205.837,00 KM**, a čine ih sredstva planirana po osnovu slijedećih naknada :

1. Naknade za općekorisne funkcije šuma	248.500,00 KM
2. Naknade za obavljanje stručnih poslova u privatnim šumama	217.000,00 KM
3. Naknade u postupku promjene namjene šumskog zemljišta (krčenja šuma)	100.000,00 KM
4. Naknade za korištenje državnih šuma	50.000,00 KM
5. Naknade za štete pričinjene državnim šumama i šumskom zemljištu	5.000,00 KM
<u>6. Sredstva za proširenu biološku reprodukciju šuma</u>	<u>585.337,00 KM</u>
Ukupno	1.205.837,00 KM

KRITERIJI ZA UTROŠAK SREDSTAVA I NAČIN UTROŠKA

1. Naknade za općekorisne funkcije šuma

Na osnovu članu 50. Zakona o šumama («Službene novine Zeničko-dobojskog kantona» broj 8/13), naknade za općekorisne funkcije šuma uplaćuju se na kantonalni račun u visini od 0,07% ukupno ostvarene godišnje dobiti, a na osnovu članu 52. istog Zakona, plaćaju ih sva pravna lica koja su registrovana za obavljanje djelatnosti i imaju sjedište na teritoriji Kantona, kao i dijelovi pravnih lica čije je sjedište van Kantona, a obavljaju djelatnost na teritoriji Kantona, izuzev institucija i organizacija navedenih u stavu 3. istog člana.

U Budžetu Zeničko-dobojskog kantona za 2016.godinu, po osnovu naknada za općekorisne funkcija šuma, planirani su prihodi u ukupnom iznosu od **248.500,00 KM**, namijenjeni za slijedeće:

1.1. Sufinansiranje izdataka za materijal i usluge	28.500,00 KM
1.2. Nabavka opreme za čuvarsku službu.....	20.000,00 KM
1.3. Rekonstrukcija i investiciono održavanje- rekonstrukcija šuma i šumskog zemljišta	<u>200.000,00 KM</u>
	Σ 248.500,00 KM

1.1. Sufinansiranje izdataka za materijal i usluge – tekući izdaci

Sredstva navedena pod tačkom 1.1. planirana u iznosu od 28.500,00 KM, namijenjena su za finansiranje izdataka za materijal i usluge odjeljenja Uprave, a odnose se na slijedeće izdatke :

- Izdaci za električnu energiju i troškove grijanje	8.100,00 KM
- Poštanske, telefonske i druge komunalne usluge	13.400,00 KM
- Nabavka administrativnog materijala	3.000,00 KM
- Zakupnina	1.000,00 KM
- Ugovorene usluge	<u>3.000,00 KM.</u>
	Σ 28.500,00 KM

Program pod tačkom 1.1. realizovat će se na osnovu računa ispostavljenih za izvršene nabavke i usluge.

1.2. Nabavka opreme za čuvarsku službu

Planirana sredstva pod tačkom 1.2. u visini od 20.000,00 KM, predviđena su za nabavku kompjuterske i druge opreme koju je zbog dugogodišnje upotrebe i otpisanosti potrebno zamijeniti.

Realizacija Programa pod tačkom 1.2. vršit će se prema procedurama propisanim u Zakonu o javnim nabavkama.

1.3. Rekonstrukcija i investiciono održavanje- rekonstrukcija šuma i šumskog zemljišta

Sredstva pod tačkom 1.3., planirana iz naknada za općekorisne funkcije šuma, predviđena su za rekonstrukciju šuma i šumskog zemljišta tj. za čišćenje i pošumljavanje opožarenih površina, provođenje šumsko-uzgojnih i zaštitnih mjera i za druge aktivnosti koje doprinose unapređenju šuma i za krajnji cilj imaju poboljšanje općekorisnih funkcija šuma :

- Rekonstrukcija i investiciono održavanje- rekonstrukcija šuma i šumskog zemljišta	200.000,00 KM
--	---------------

Realizacija Programa pod tačkom 1.3. izvršit će se putem kandidovanih i komisijski odobrenih projekata.

Kriterij za utrošak sredstava ostvarenih po osnovu naknada za općekorisne funkcije šuma, za namjene navedene pod tačkama od 1.1. do 1.3. utemeljen je u članu 53. Zakona o šumama.

2. Naknade za obavljanje stručnih poslova u privatnim šumama

Na osnovu člana 35. Zakona o šumama, naknade za obavljanje stručnih poslova u privatnim šumama, na kantonalni račun uplaćuju vlasnici privatnih šuma koji, na osnovu potpisanog ugovora, obavljanje stručnih poslova prenesu u nadležnost Kantonalne uprave za šumarstvo.

Prihodi po osnovu naknada za obavljanje stručnih poslova u privatnim šumama za 2016. godinu planirani su u iznosu od 217.000,00 KM, a namijenjeni su za izdatke za materijal i usluge potrebne za obavljanje stručnih poslova u privatnim šumama, zatim za nabavku opreme - terenskih vozila i za rekonstrukciju i investiciono održavanje – obnovu šuma od elementarnih nepogoda i unapređenje šuma, u niže navedenim iznosima :

2.1. Sufinansiranje izdataka za obavljanje stručnih poslova u privatnim šumama.....	80.460,00 KM
2.2. Nabavka opreme- terenska vozila	45.000,00 KM
2.3. Rekonstrukcija i investiciono održavanje	<u>91.540,00 KM</u>
Σ	217.000,00 KM

2.1. Izdaci za sufinansiranje rada čuvarske službe

Iz naknada za obavljanje stručnih poslova u privatnim šumama, za sufinansiranje izdataka za materijal i usluge potrebne za obavljanje stručnih poslova u privatnim šumama, planirana su sredstva u iznosu od 80.460,00 KM. .

Planirani izdaci se odnose na: nabavku potrošnog materijala potrebnog za gospodarenje u privatnim šumama, tj. nabavku pločica za obilježavanje drvnih sortimenata, otpremnih iskaza, knjiga panjeva, knjiga doznake, zatim na nabavku uniformi za zaposlenike čuvarske službe, nabavku goriva, finansiranje specijalističkih kurseva iz oblasti šumarstva i putnih troškova za iste, kao i na izdatke za tekuće održavanje namijenjene, prije svega, za troškove održavanja terenskih motornih vozila datih na korištenje odjeljenjima Kantonalne uprave za šumarstvo :

- Nabavka potrošnog materijala za gospodarenje u privatnim šumama i nabavka uniformi.....	26.300,00 KM
- Izdaci za komunalne usluge	2.000,00 KM
- Izdaci za gorivo i registraciju vozila	35.000,00 KM
- Izdaci za tekuće održavanje	8.000,00 KM
- Putni troškovi	2.000,00 KM
- <u>Ostali izdaci i ugovorene usluge</u>	<u>7.160,00 KM</u>
Σ	80.460,00 KM

Realizacija Programa pod tačkom 2.1. izvršit će se na osnovu procedura propisanih u Zakonu o javnim nabavkama i računa ispostavljenih za izvršene usluge.

2.2. Nabavka opreme – terenskih motornih vozila

Zbog dotrajalosti 5 (pet) terenskih motornih vozila nabavljenih u 2006.godini i visokih troškova održavanja, Kantonalna uprava za šumarstvo je u toku 2015.godine pokrenula aktivnosti vezane za zamjenu istih i iz namjenskih sredstava izvršila nabavku 3 terenska motorna vozila marke „LADA-NIVA.“ U 2016.godini, predviđena je zamjena preostala 2 motorna vozila iz 2006.godine i u tu svrhu su, iz naknada za obavljanje stručnih poslova u privatnim šumama, planirana sredstva u niže navedenom iznosu :

- Nabavka terenskih motornih vozila	45.000,00 KM
---	--------------

Realizacija Programa pod tačkom 2.2.izvršit će se na osnovu procedura propisanih u Zakonu o javnim nabavkama.

2.3. Rekonstrukcija i investiciono održavanje

Preostala sredstva planirana iz naknada za obavljanje stručnih poslova u privatnim šumama u visini od 91.540,00 KM, namijenjena su, shodno članu 53. Zakona o šumama, za biološku obnovu i unapređenje šuma, tj. za učešće u finansiranju pošumljavanja šumskog zemljišta u privatnom vlasništvu (nabavka sadnica na osnovu dostavljenih zahtjeva vlasnika privatnih šuma), obnovu šuma od posljedica prirodnih nepogoda, požara i slično:

- Biološka obnova i unapređenje šuma, obnova šuma od prirodnih nepogoda, požara i slično 91.540,00 KM

Realizacija Programa pod tačkom 2.3. izvršit će se na osnovu procedura propisanih u Zakonu o javnim nabavkama u dijelu koji se odnosi za nabavku sadnica za pošumljavanja šumskog zemljišta u privatnom vlasništvu i na osnovu kandidovanih i komisijski odobrenih projekata za ulaganja u obnovu šuma od posljedica prirodnih nepogoda, požara i slično.

Kriterij za utrošak sredstava ostvarenih po osnovu naknada za obavljanje stručnih poslova u privatnim šumama. utemeljen je u članu 53. Zakona o šumama.

3. Naknade u postupku promjene namjene šumskog zemljišta (krčenje šuma)

Na osnovu člana 43. Zakona o šumama i tačke IV Odluke o načinu pretvaranja šumskog zemljišta u građevinsko („Službene novine Federacije BiH“, broj 108/12), promjena namjene šumskog zemljišta u građevinsko može se dozvoliti samo ako je to predviđeno važećim planom prostornog uređenja.

Vlasnik zemljišta kojem se odobri zahtjev za promjenu namjene zemljišta ima obavezu da, prije početka radova, uplati naknadu čiju visinu utvrđuje stručna komisija formirana ispred kantonalnog ministarstva. Naplaćena sredstva su namjenski prihod Budžeta Federacije BiH u visini od 40%, odnosno namjenski prihod budžeta kantona u visini od 60% i ista se, na osnovu tačke IV Odluke mogu koristiti samo u svrhu podizanja novih šuma.

U Budžetu za 2016.godinu, po osnovu naknada za promjenu namjene šumskog zemljišta (krčenja šuma), shodno gore navedenim propisima, planirana su sredstva u visini od 100.000,00 KM, namijenjena za:

- Rekonstrukcija i investiciono održavanje - podizanje novih šuma 100.000,00 KM

Realizacija Programa pod tačkom 3. izvršit će se putem kandidovanih i komisijski odobrenih projekata.

Kriterij za utrošak sredstava ostvarenih po osnovu naknada u postupku promjene namjene šumskog zemljišta (krčenje šuma) utvrđen je na osnovu člana 43. stav 2. Zakona o šumama.

4. Naknada za korištenje državnih šuma

Na osnovu člana 38. i člana 51. Zakona o šumama, naknade za korištenje državnih šuma na kantonalni račun uplaćuju korisnici državnih šuma, tj. šumsko-privredna društva. Uplate naknada vrše se tromjesečno i po završnom godišnjem računovodstvenom izvještaju, u visini od 2 % prihoda ostvarenog od drveta i prihoda ostvarenog od nedrvnih šumskih proizvoda.

U Budžetu za 2016.godinu, po osnovu naknada za korištenje državnih šuma planirani su prihodi u visini od 50.000,00 KM, namijenjeni za :

- . Rekonstrukciju i investiciono održavanje 50.000,00 KM

Pod rekonstrukcijom i investicionim održavanjem podrazumijeva se, prije svega, podizanje, održavanje i zaštita šuma, ali i druge aktivnosti u cilju unapređenja šuma.

Realizacija Programa pod tačkom 4. izvršit će se putem kandidovanih i komisijski odobrenih projekata.

Kriterij za utrošak sredstava ostvarenih po osnovu naknada za korištenje državnih šuma utvrđen je u članu 53. Zakona o šumama.

5. Naknade za štete pričinjene državnim šumama i šumskom zemljištu

Na osnovu člana 10. stav 6 Zakona o šumama, pravna i fizička lica koja nanesu štetu u državnim šumama i šumskom zemljištu po bilo kom osnovu, dužna su nosiocu prava upravljanja državnim šumama i šumskim zemljištem nadoknaditi štetu. Naknada za pričinjenu štetu utvrđuje se prema važećem odštetnom cjenovniku, a uplaćuje se na depozitni račun kantonalnog budžeta.

Po osnovu naknada za štete pričinjene u državnim šumama i šumskom zemljištu, u Budžetu za 2016.godinu planirana su sredstva u visini od 5.000,00 KM, a predviđena su za tekuće izdatke:

- Izdaci za materijal i usluge 5.000,00 KM

Planirana sredstva su namijenjena za izdatke za sudske takse tj. troškove sudskih izvršenja vezanih za prinudnu naplatu pričinjenih šteta po pravosnažnim sudskim odlukama.

Kriterij za utrošak sredstava ostvarenih po osnovu naknada za štete pričinjene državnim šumama i šumskom zemljištu, utvrđen je u članu 53. Zakona o šumama.

6. Sredstva za proširenu biološku reprodukciju šuma

U Budžetu Zeničko-dobojskog kantona za 2016.godinu, osim prihoda planiranih na osnovu kantonalnog Zakona o šumama („Službene novine Zeničko-dobojskog kantona“ broj: 8/13) planirani su i prihodi po osnovu naknada za proširenu biološku reprodukciju šuma, propisani Zakonom o šumama Federacije BiH („Službene novine Federacije BiH“ broj: 20/02) čija primjena je prestala krajem 2009.godine. Radi se o prihodima od naknada za proširenu biološku reprodukciju šuma, planiranim po osnovu neizmirenih obaveza JP „Šumsko privredno društvo Zeničkodobojskog kantona“ d.o.o. Zavidovići prema kantonalnom računu, nastalih u vrijeme primjene spomenutog Zakona.

Na osnovu Zakona o šumama Federacije BiH kantonalna šumsko privredna društva su imala obavezu da sredstva za proširenu biološku reprodukciju šuma uplaćuju na kantonalni račun, a Kanton je imao obavezu da nakon izvršene uplate, shodno odredbama navedenog Zakona, dio uplaćenih sredstava transferira na račune općina za razvoj nerazvijenih dijelova općine, a preostali dio sredstava da zadrži na kantonalnom računu i usmjeri za poslove obuhvaćene proširenom reprodukcijom šuma.

U novembru 2014.godine, između Zeničko-dobojskog kantona, kao tužitelja, kojeg je zastupalo Kantonalno pravobranilaštvo Zenica i JP „Šumsko privredno društvo Zeničko-dobojskog kantona“ d.o.o. Zavidovići, kao tuženog, zaključena je Vansudska nagodba o načinu izmirenja obaveza po osnovu Zakona o šumama Federacije BiH, na osnovu koje tuženi ima obavezu da glavni dug utvrđen prema kantonalnom računu po osnovu proširene biološke reprodukcije šuma izmiri u 36 (tridesetšest) jednakih mjesečnih rata u periodu decembar 2014 - novembar 2017.godine.

Shodno Vansudskoj nagodbi, u Budžetu za 2016.godinu, po osnovu proširene biološke reprodukcije šuma, planirana su sredstva u ukupnom iznosu od 585.337,00 KM, namijenjena za slijedeće :

- 6.1. Tekući transferi općinama po Zakonu o šumama 487.590,00 KM
- 6.2. Rekonstrukcija i investiciono održavanje 97.747,00 KM

6.1. Tekući transferi općinama

Iznosom planiranim za transfere općinama predviđena je uplata sredstava na račune općina u dvanaest jednakih mjesečnih rata. Realizacija aktivnosti vezanih za povrat sredstava općinama zavisi isključivo od toga da li će JP „Šumsko privredno društvo Zeničko-dobojskog kantona“ d.o.o. Zavidovići u 2016.godini postupiti u skladu sa Vansudskom nagodbom i u planiranom iznosu izvršiti uplatu sredstava po osnovu proširene biološke reprodukcije šuma na kantonalni račun. Ukoliko Vansudska nagodba bude ispoštovana, obaveze prema općinama će do kraja 2016.godine biti izmirene u visini dvije trećine ukupno utvrđenog duga.

Kriterij za utrošak sredstava pod tačkom 6.1. sadržan je u članovima 27. i 62. Zakona o šumama Federacije BiH.

6.2. Rekonstrukcija i investiciono održavanje

Sredstava pod tačkom 6.2. planirana u visini od 97.747,00 KM, predviđena su, shodno članu 6. stav 11. Zakona o šumama, prvenstveno za finansiranje nadzora nad izradom šumsko - privrednih osnova, ali i drugih poslova koji se odnose na unapređenje šuma.

Realizacija Programa pod tačkom 6.2. izvršit će se na osnovu procedura propisanih u Zakonu o javnim nabavkama.

Kriterij za utrošak sredstava pod tačkom 6.2. sadržan je članu 53. kantonalnog Zakona o šumama.

* * *

Utrošak namjenskih sredstava iskazanih u Programu odobrat će se posebnim zaključcima Vlade Zeničko-dobojskog kantona koje će predložiti Ministarstvo za poljoprivredu, šumarstvo i vodoprivredu - Kantonalna uprava za šumarstvo.

Ukoliko se, iz određenih razloga, namjenska sredstva predviđena Programom za 2016. godinu ne utroše u cjelosti, preostala sredstva će biti prenesena u narednu godinu.

REKAPITULACIJA
utrošak namjenskih sredstava planiran za 2016.godinu

R B	Izdaci	Naknade za općekorisne funkcije šuma	Naknade za obavljanje stručnih poslova u privatnim šumama	Naknade od promjene namjene šumskog zemljišta (krčenja šuma)	Naknade za korištenje državnih šuma	Naknade od šteta u državnim šumama	Naknade od Proširene biološke reprodukc. šuma	Ukupno planirana namjenska sredstva kol. (3 do 8)
1	2	3	4	5	6	7	8	9
1.	Izdaci za materijal i usluge	28.500,00	80.460,00	-	-	5.000,00	-	113.960,00
	Putni troškovi	-	2.000,00	-	-	-	-	2.000,00
	Energenti	8.100,00	-	-	-	-	-	8.100,00
	Komunalne usluge	13.400,00	2.000,00	-	-	-	-	15.400,00
	Nabavka materijala	3.000,00	26.300,00	-	-	-	-	29.300,00
	Izdaci za gorivo	-	35.000,00	-	-	-	-	35.000,00
	Izdaci za zakup prostora	1.000,00	660,00	-	-	-	-	1.660,00
	Tekuće održavanje	-	8.000,00	-	-	-	-	8.000,00
	Izdaci za osiguranje	-	1.500,00	-	-	-	-	1.500,00
	Ugovorene usluge	3.000,00	5.000,00	-	-	5.000,00	-	13.000,00
2.	Transferi općinama	-	-	-	-	-	487.590,00	487.590,00
3.	Nabavka opreme	20.000,00	45.000,00	-	-	-	-	65.000,00
4.	Rekonstrukcija i invest..održavanje	200.000,00	91.540,00	100.000,00	50.000,00	-	97.747,00	539.287,00
	UKUPNO (od 1 do 4)	248.500,00	217.000,00	100.000,00	50.000,00	5.000,00	585.337,00	1.205.837,00

Broj: 02- /16.
Datum, 29.03.2016. godine
Z e n i c a

**PREMIJER
PO OVLAŠTENJU**

Himzo Smajić

DOSTAVLJENO:
1 x Ministarstvu za poljoprivredu, šumarstvo i vodoprivredu,
1 x Ministarstvu finansija,
1 x a/a.